



## ACTA DA SESIÓN EXTRAORDINARIA DA XUNTA DE GOBERNO LOCAL DO CONCELLO DE VALDOVIÑO, CELEBRADA EN DATA CINCO DE XUÑO DE DOUS MIL VINTE E CATRO.

**Expte: 2024/G007/000019**

En Valdoviño na Sala de Xuntas da Casa do Concello anexa á Alcaldía, ás dez horas e trinta e cinco minutos do día cinco de xuño de dous mil vinte e catro, reúnen en primeira convocatoria os membros da Xunta de Goberno local; previa convocatoria efectuada regulamentariamente conforme ao resolto en decreto núm. 281 de data 4 de xuño/2024 e baixo a Presidencia do Sr. Alcalde, don Alberto González Fernández; dona Rosa Ana García López, don Benito Manuel Vega Fernández, don Alejandro Antonio García Sousa e dona Tamara Sabín Caamaño.

Actúa como secretaria a que o é da Corporación dona Carlota González Navarro. E asiste a interventora dona Elisa Marqués Parrilla.

Despois de aberta pola Presidencia a sesión, esta celébrase comezando co debate e votación dos asuntos incluídos na Orde do Día da convocatoria.

### **1º.- APROBACIÓN, SE PROCEDE, DO BORRADOR DA ACTA DA SESIÓN ANTERIOR: 30.05.24 (ORDINARIA).-**

O sr. alcalde preguntalle aos concelleiros se teñen que facer algunha observación á devandita acta, e ao non facerse ningunha alegación, declara que a acta da sesión de 30.05.24 queda aprobada sen ningunha obxección pola Xunta de Goberno Local.

### **2º.- EXPEDIENTE DA ÁREA DE OBRAS E URBANISMO.-**

#### **“ PROPOSTA DE ALCALDÍA DE LICENZA DE OBRA MAIOR.**

**Expte: 161/2019 Tedec 2023/U022/000008**

**.- Expte. de obras 161/2019.-** [REDACTED] y [REDACTED] solicitan licenza para as obras de **rehabilitación vivanda unifamiliar** aillada (inclúe piscina e peches en núcleo rural da parcela onde se atopan as construcións), nunha parcela sita no lugar de Marnela, 15, referencia catastral da vivanda nº15088A033006040000HY.

Vista a documentación técnica achegada, que consiste en:

- Proxecto Básico e de execución de rehabilitación, de vivenda unifamiliar aillada redactado polo arquitecto Antonio Piñeiro Conchado, achegado o 24/09/2019 e visado o 04/09/2019.
- Proxecto Básico e de execución redactado polo arquitecto Antonio Piñeiro Conchado, achegado o 14/01/2023 e proxecto modificado 1 achegado o 13/01/2023, que substitúe ao anterior.
- Reformado 2 de proxecto Básico e de Execución redatado polo mesmo arquitecto, achegado o 28/05/2023 e visado o 26/05/2023.
- Oficio de Dirección de obra de arquitecto a nome de Antonio Piñeiro Conchado achegado o 24/09/2019 e visado polo correspondente colexio oficial o 02/19/219, Oficio de Dirección de Execución da obra e Coordinador de Seguridade y Saude de arquitecto técnico a nombre de Juan Filgueiras Peña, achegados o 24/09/2019 e visados polo correspondente colexio oficial o 19/09/2019 e 20/09/2019 respectivamente.

Segundo as Normas Subsidiarias de Ordenación Municipal (en adiante NNSSPP), en vigor neste Concello, a parcela na que se proxecta a obra atopase situada en solo clasificado e calificado, como **S.N.U. DE NÚCLEO RURAL. ZONA DE EDIFICACIÓN RESIDENCIAL AISLADA Y SUELO NO URBANIZABLE (Común)**.

Segundo o proxecto presentado, a vivenda sobre a que se pretende actuar sitúase na zona da parcela clasificada como **S.N.U. DE NÚCLEO RURAL. ZONA DE EDIFICACIÓN RESIDENCIAL AISLADA**

Considerando que a documentación que se achega ao expediente é conforme e completa, segundo o informe do arquitecto municipal de data 31/05/2024 que se emite en sentido **FAVORABLE**

E visto informe xurídico da Secretaria municipal de data 03/06/2024 en sentido **FAVORABLE**.

Esta **ALCALDÍA** en uso das competencias atribuídas polo art. 21 da Lei 7/1985 de 2 de abril, reguladora das Bases de Réxime Local, propón a Xunta de Goberno Local a adopción dos seguintes **ACORDOS**:

**Primeiro.-** Conceder a [REDACTED] y [REDACTED] a **licenza municipal de obras para a rehabilitación de vivenda unifamiliar aillada (inclúe piscina e peches en núcleo rural da parcela onde se atopan as construcións)** nunha parcela situada no Lugar de Marnela, 15, referencia catastral da vivenda nº15088A033006040000HY.

A licenza se outorga salvo o dereito de propiedade e sen prexuízo de terceiros.

**Segundo.-** As obras axustaranse á documentación técnica achegada e asinada polo arquitecto Antonio Piñeiro Conchado e as condicións sinaladas no informe do arquitecto municipal (Anexo 1: CONDICIÓN DA LICENZA) de data 31 de maio de 2024, debendo trasladarse ditas condicións ao promotor do expediente en debida forma, xunto coa licenza municipal.

**Terceiro.-** Aprobar a liquidación provisional das obras, segundo informe que consta no expediente e co seguinte desglose: **Taxa 48,08 €, ICIO.- 10.400,01 €**

**Cuarto.-** Aprobar o prazo de execución das obras, que se estima en 36 meses.

**Quinto.-** Notifíquese o presente acordo aos interesados e dese traslado do mesmo ao negociado de Urbanismo para o seu trámite, así coma aos servizos económicos para os efectos oportunos.

**En Valdoviño, asinada electrónicamente na data á marxe polo Sr. Alcalde Alberto González Fernández”**

**A Xunta de Goberno Local, en votación ordinaria e por unanimidade dos seus membros, acordou a aprobación da proposta de Alcaldía transcrita (Expte referencia: 2023/U022/000008).**

### **3.- APROBAR A PROPOSTA DE RESOLUCIÓN DA CONTRATACIÓN DE CONCILIA TEMPOS VERÁN 2024.-**

#### **“PROPOSTA DE ALCALDÍA Á XUNTA DE GOBERNO LOCAL SOBRE A RESOLUCIÓN DA CONTRATACIÓN DO PROGRAMA “CONCILIA TEMPOS VERÁN 2024”**

Alberto González Fernández, Alcalde do Concello de Valdoviño, en relación ao programa “Concilia Tempos Verán” de conciliación da vida familiar, persoal e laboral durante o período vacacional de verán, vista a retención de crédito practicada polos servizos económicos do Concello e visto o informe técnico do Departamento de Servizos Sociais, que se transcribe a continuación:

#### **INFORME- PROPOSTA SOBRE A RESOLUCIÓN DA CONTRATACIÓN DO PROGRAMA “CONCILIA TEMPOS VERÁN” (2024)**

##### **1. ANTECEDENTES**

*O programa Concilia Verán leva funcionando dende o ano 2012, sempre con boa participación e satisfacción por parte das familias usuarias. É un recurso para a conciliación da vida persoal, familiar e laboral cunha metodoloxía lúdica- coeducativa, que pretende ofrecer un espazo seguro, agradable e educativo para nenos e nenas entre 4 e 13 anos durante os meses de verán.*

##### **2. CONTEXTUALIZACIÓN**

*As prazas cubríronse durante os anos que se leva desenvolvendo o Programa, o que pon de manifesto a necesidade que existe de ter un recurso de conciliación neste período vacacional.*

*Trala experiencia de anos anteriores e atendendo ao aumento da demanda e das necesidades das familias, proponse ampliar o horario da actividade ata as 14:30 horas.*

*Atendendo tamén a petición feita por varias familias do ano anterior, proponse aumentar a idade ata os 13 anos. Esta proposta fundáméntase na consideración de que aínda é unha idade moi baixa para estar sos/soas en casa e para dar continuidade a nenos e nenas que levan participando varios anos no programa.*

*O número de prazas que se oferta inicialmente é de 20 para a franxa 4-6 anos e de 24 para a franxa 7-13 anos. Na liña do ano anterior, contarase con catro persoas monitoras.*

O programa realizarase durante os meses de xullo e agosto, entre as 8:30 e as 14:30 horas.

### 3. OBXECTIVO

Ofrecer un espazo durante as vacacións de verán (xullo e agosto), mediante a contratación dunha empresa externa especializada no sector lúdico-coeducativo, con experiencia no traballo con infancia.

### 4. PROCEDEMENTO

A pesares de ser un servizo municipal, é imposible realizar o obxecto do contrato por medios propios, debido ás especificacións do persoal, ás funcións propias do proxecto e ao cadro de persoal existente agora mesmo nas áreas de Servizos sociais e Educación.

O procedemento de contratación rexerese pola modalidade de contrato menor, como opción excepcional dos procedementos administrativos, ao atoparse a licitación en proceso de elaboración. Para isto, procedeuse a facer unha invitación xeral a varias empresas do sector para a presentación de ofertas, establecendo un prazo máximo de entrega no Rexistro Municipal.

### 5. ORZAMENTO

Tendo en conta o informe de intervención, co correspondente certificado de existencia do crédito e a súa retención e que se establece na proposta do servizo na aplicación orzamentaria 23122799, enténdese que existe crédito suficiente para desenvolver o dito Programa.

En relación á axuda económica que todos os anos se solicita á Secretaría de Igualdade da Xunta de Galicia, este ano, trala recente publicación da concesión, o Concello de Valdoviño está na primeira posición na lista de agarda, polo que non se ten certeza de chegar a acadar a dita axuda.

### 6. PREZOS PÚBLICOS

Para o orzamento tense en conta a aportación económica das familias usuarias segundo a ordenanza correspondente. Atendendo ao texto da Ordenanza reguladora de prezo público pola prestación de servizos educativos, culturais e deportivos:

“\* Outras escolas ou actividades formativas e servizos culturais. Os custos ateranse, de acordo co preceptuado pola lei, á cobertura dos gastos de organización”

proponse un prezo mensual de 50 euros por neno ou nena, co desconto en segundo/a irmá/n participante do 20%, podendo sumar un total aproximado de 3500 euros, de se cubrir as prazas ofertadas.

Este prezo non permite cubrir na súa totalidade os gastos de organización aos que fai referencia a ordenanza. Sen embargo, acolléndose ao texto do TRLFL (“Texto refundido da Lei de Facendas Locais”), no seu artigo 44, referente á contía:

1. O importe dos prezos públicos deberá cubrir como mínimo o custo do servizo prestado ou da actividade realizada.
2. Cando existan razóns sociais, benéficas, culturais ou de interese público que así o aconsellen, a entidade poderá fixar prezos públicos por debaixo do límite previsto no apartado anterior. Nestes casos deberán consignarse nos orzamentos da entidade as dotacións oportunas para a cobertura da diferenza resultante se e houbera.”.

Considerando o punto 2, dende o departamento de Servizos Sociais faise o axuste necesario segundo as características da poboación destinataria e os parámetros habituais do custo das actividades, establecendo a cantidade de 50 euros mes por neno ou nena participante.

### 7. CRITERIOS DE ADMISIÓN

Os criterios de admisión para a baremación, no caso de existir máis demanda que prazas, establecen as seguintes condicións preferentes:

- 1) Que a unidade familiar estea empadroada no Concello de Valdoviño
- 2) Que as persoas proxenitoras estean laboralmente en activo
- 3) Que tendo as circunstancias anteriores a unidade de convivencia cumpra con algún dos criterios que se recollen como familias de especial consideración na Lei 3/2011, do 30 de xuño, de apoio á familia e á convivencia de Galicia:
  - a) As familias numerosas.
  - b) As familias monoparentais.
  - c) As familias con persoas maiores a cargo.

- d) As familias con persoas con discapacidade a cargo.
  - e) As familias con persoas dependentes a cargo.
  - f) As familias acolledoras.
  - g) As familias en situación de especial vulnerabilidade económica.
  - h) As familias vítimas de violencia de xénero.
- \*coas especificacións que se recollen na lei.

## 8. PROPOSTAS

Seguindo o procedemento habitual envíase solicitude a catro empresas por mail co obxectivo de que presenten unha proposta técnica e económica para o desenvolvemento do servizo. As entidades convocadas son:

- ✓ La Guagua
- ✓ Gazapo
- ✓ La banda del patio
- ✓ Tempus

Establécese a data límite de entrega o 10 de maio a través do Rexistro Xeral do Concello (sede electrónica).

Dentro do prazo establecido, preséntase unha empresa coa proposta técnica e económica:

- ✓ La Guagua (CIF B70290689)

Tendo en conta os aspectos valorados que se solicitaron na petición de orzamento e que se detallan a continuación:

- o Técnicas e procedementos pedagóxicos
- o Materiais a empregar
- o Secuencia de contidos e obxectivos operativos
- o Programación de actividades

\* Especificar tipoloxía das actividades tendo en conta o contexto no que se desenvolve (relación co medio, actividades físico-deportivas, actividades artísticas, etc)

\* Especificar os contidos e actividades con perspectiva de xénero

- o Indicadores e mecanismos de avaliación.

e que se entende que indican a calidade socioeducativa dos proxectos, en canto a principios, obxectivos, e metodoloxía empregada.

E tendo en conta tamén, o referente ao persoal que se esixía na petición de orzamento do seguinte xeito: “A actividade estará guiada por persoas que contén con formación no ámbito das Ciencias da Educación e/ou do ámbito do Deporte. O primeiro dos perfís deberá estar presente en polo menos unha das dúas persoas. As persoas deberán contar con formación no ámbito da igualdade ou coeducación e ter habilidade na relación coa infancia”.

## 9. VALORACIÓN DE PROPOSTAS TÉCNICAS

Recóllese a valoración técnica das única empresa presentada co fin de avaliar os criterios solicitados:

Fain plantexamento correcto ao axustarse ao período de verán e aos obxectivos de disfrute. Considérase que conecta adecuadamente o desenvolvemento do proxecto coa dinámica comunitaria, con obxectivos complementarios de aproveitamento e de integración no proxecto. Presenta uns contidos técnicos organizados e completos, así como unha metodoloxía dinámica e baseada na aprendizaxe. Referencias ao funcionamento emocional e acompañamento de espazo pouco definidas. Especifica o persoal mínimo esixido. Contempla a perspectiva de xénero e garante a formación requirida no persoal. Presenta unha abordaxe de xénero e unha presenza da mesma no desenvolvemento do proxecto, coherente e fundamentada. Presenta unha listaxe abundante e variada de medios materiais. Recolle un cronograma de actividades variadas e innovadoras e inclúe actividades de coñecementos dos espazos públicos municipais, así como visitas aos entornos naturais do municipio e coñecemento do patrimonio cultural. Fai referencia ao uso do galego como lingua de uso e fomento da mesma.

## 10. VALORACIÓN DE PROPOSTAS ECONÓMICAS

Os importes presentados son:

- 14.600 + IVE (10%)

- *Persoa extra contratada un mes (custo adicional) = 1.580 €+ IVE*

## 11. VALORACIÓN FINAL

*A proposta presentada pola empresa cumpre adecuadamente cos requisitos técnicos indicados, aportando unha metodoloxía integradora e aportando un bo enfoque coeducativo, con presenza da perspectiva de xénero e do uso da lingua galega.*

*Tralo exposto, infórmase de que sería procedente a contratación do programa Concilia Tempos Verán 2024 a favor da empresa La Guagua por importe total de **16060 euros (IVE engadido)**, incluíndo catro persoas monitoras durante dous meses, materiais e gastos de xestión, así como seguro de responsabilidade civil.*

*(\*No caso de precisar modificar o custo para adaptarse ás demandas do servizo, valorarase un orzamento complementario para a súa aprobación no caso de se dar esta circunstancia).*

*Para que conste aos efectos oportunos, asino electronicamente na data indicada á marxe.*

*A educadora social*

*Iria García Martínez (Colex. 3545)*

## **PROPOÑO:**

á Xunta de Goberno Local, aprobar o contido do informe técnico e aprobar a contratación da empresa “La Guagua” polo importe de 16060 euros (IVE engadido), coas condicións recollidas na proposta para a realización do Programa Concilia Tempos Verán 2024 durante os meses de xullo e agosto.

Alberto González Fernández  
O Alcalde”

**A Xunta de Goberno Local, en votación ordinaria e por unanimidade dos seus membros, acordou a aprobación da proposta de Alcaldía transcrita (Expte referencia: 2024/C002/000002).**

## **4º.- ROGOS E PREGUNTAS.-**

Non se formularon rogos nen preguntas.

E sen máis asuntos que tratar, o Sr. Alcalde levantou a sesión, ás dez horas e corenta e cinco minutos do día ao principio indicado, e eu, como Secretaria, CERTIFICO o contido da presente acta.

*/Documento asinado na marxe esquerda do mesmo pola secretaria municipal e polo sr. alcalde/*